

1

OFFICIUM
B. PETRI REGALATI
CONFESSORIS
ORDINIS MINORUM

Recitandum die 13. Maij. ritu semiduplici ad libitum.

DIE XIII. MAII.

In festo B. Petri Regalati Confessoris. Semiduplex ad libitum.

Omnia de Communi Confessoris non Pontificis primo loco, præter ea, quæ hic apponuntur.

In Hymno. Iste Confessor. mutatur tertius versus.

Oratio.

Deus, qui dilectum famulum tuum Petrum carne mortificatum, ad delicias gloriæ tuæ assumere dignatus es: concede propitius, ut ad delectationes, quæ in dextera tua sunt usque in finem, meritis ejus, & intercessione pervenire valeamus. Per Dominum.

In primo Nocturno, Lectiones de Scriptura occurrente.

In ij. Nocturno. Lectio iij.

Petrus cognomento Regalatus, Vallisoleri in Hispania nobilibus æquè, ac piis parentibus ortus, ab ipsa pueritia non levia dedit futuræ

Pars Versua.

sanctitatis indicia. In illa namque ætate nihil puerile sapiens, cœqualium abstinēbat consortio, & in solitariis latitando recessibus, uni vacabat rerum cœlestium contemplationi, jam tum à Deo in benedictionibus dulcedinis præventus. Flagellis, jejunis, aliisque pœnarum generibus se jugiter macerans, carnem intra subjectionem spiritus continēbat. Virginitatis, quam ad mortem usque servavit, sollicitus cultor. His itaque exercitiis ad strictiorem vivendi formam se comparans, ea brevi jecit fundamenta, quæ in heróica virtutum mox consurrexere fastigia. Minorum Regulam primum in Patria professus est, deinde in Aquileiáno Ccenóbio restitutæ observantiæ præcipuus adjutor, & promotor fuit: cujus tam rigidi Instituti primordia avidè amplexus, firmiter tenuit, & plene consummavit.

A

B. Ho

R. Honéstum fecit illum Dóminus, & custodívit eum ab inimicis, & à seductóribus tu-távit illum: * Et dedit illi claritátem atérnam, allelúia.
V. Justum dedúxit Dóminus per vias rectas, & osténdit illi regnum Dei. Et dedit.

Lectio v.

Siléntium illi perpétuum, somnus brevíssimus, juges ex dono lácrymæ, quibus præcipit in Sacro conficiendo Mystério perfundebátur, flagellatiónes cruéntæ, incéssus nudis pédibus, vestis túnica una lácera, & hispida, lectus vel pálea, vel humus, jesúnum juxta sui Institútóris exéplum ad novem quadragésimas usque protráctum, cibúsque ut plúrimum panis, & aqua. Euan-gélicæ paupertátis mirificas propugnátor, & cultos, ob cujus exquisitam observántiam in graves étiam, & fréquentes offéndit injúrias, quas inmóto, alacrique ánimo subiens, divínam pro calumniántibus, & oppugnatóribus exorábat cleméntiam. Quanto in Deum exardésceret amóre, ex eo potíssimum apparuit, quod si aliquos invenisset leprófos, domum addúceret, eorúmque úlcera lingua étiam detégeret. Fratrum régimen subire coáctus, ómnibus númeris explévit officium, & quos priváto jamprídem informárat, público deínde confirmábat exéplum.

R. Amávit eum Dóminus, & ornávit eum, stolam glóriæ ín-

duit eum, * Et ad portas paradísi coronávit eum, allelúia.
V. Induit eum Dóminus lorícam fidei, & ornávit eum. Et ad portas.

Lectio vi.

Aspérrimum vitæ genus Aquilériæ inceptum in convéntu de Scala Cæli ad Dúrij ripam propè Vallisólétum fundáto firmiter stabílit; unde ad diversás Hispaniæ, Indiarúmque Provinciás exténsus. Annum dénique agens sexagésimum sextum, austeritáte vitæ conféctus, & mortem sibi vicinam præsentíens, Aquiléram perrexit, ut ibi Deo spíritum rédderet, ubi rigorósi Institúti sumplit exórdium. Febri corréptus, alumnis ad exáctam Régulæ observántiam cohortátis, suaque benedictióne munitis ad illa verba: In manus tuas Dómine comméndo spíritum meum, migrávit in calum pridie Kaléndas Aprílis, anno reparáta salútis millésimo quadringentésimo quinquagésimo sexto. Cujus viri sanctitátis fama, quæ ubique jam percrebúerat, Régina Cathólica Elísabeth permóta, solénni indícta processióne, & adstantibus nonnúlhis Epíscopis, & Clero, ejus corpus, quod in comúní Fratrum repósitum fuerat sepultúra, in decentióri, & nobilióri tímulo reponéndum curávit. Quare ex conflúentium multitudíne, multis inde obténtis beneficiis recedéntium, servi Dei cultus miríficè propa-

Proprium Sanctorum Hispanorum

gatus est. Quo sollemniter à
Sacra Rituum Congregatione
approbato, Innocentius Papa
Undecimus de ipso Missam,
& Officium die decima tertia
Maij celebrari concessit.

℟. Iste homo perfecit omnia,
quæ locutus est ei Deus, &
dixit ad eum: Ingrederere in re-
quiem meam: * Quia te vidi
justum coram me ex omnibus

gentibus, alleluia. **℣.** Iste est,
qui contempsit vitam mundi,
& pervenit ad cælestia regna.
Quia. **G**loria Patri. Quia.

**In tertio Nocturno, Homi-
lia sancti Gregorij Papæ in
Euangelium. Sint lumbi vestri
præcincti. ut in Comuni Con-
fessoris non Pontificis.**

**In secundis Vesperis, sit com-
memor. S. Bonifacij martyris.**

F I N I S.



